



**Sud Bosne i Hercegovine
Sud Bosne i Hecegovine**

**Broj: S1 3 Iž 038072 20 Iž
Sarajevo, 23.10.2020. godine**

Sud Bosne i Hercegovine, u vijeću Apelacionog odijeljenja sastavljenom od sudija, Vesne Trifunović kao predsjednika vijeća, Srete Crnjaka i Dinke Bešlagić Čovrk, kao članova vijeća, odlučujući o žalbi Perić Pavla, Zvonimira Furtingera 1, 10000 Zagreb, R Hrvatska (kod Perić Joze), izjavljenoj protiv Odluke Centralne izborne komisije Bosne i Hercegovine broj: 05-1-07-1-998/20 od 01.10.2020. godine o odbijanju upisa u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine, u nejavnoj sjednici, održanoj dana 23.10.2020. godine, donio je

R J E Š E N J E

Žalba se odbija.

O b r a z l o Ź e n j e

Odlukom Centralne izborne komisije Bosne i Hercegovine, broj i datum navedeni u uvodu, odbijen je upis u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine po podnesenim prijavama do 01.09.2020. godine, jer nisu ispunjeni uslovi propisani odredbom člana 3.15 stav 1., 2. i 3. Izbornog zakona Bosne i Hercegovine. U odnosu na žalitelja odbijen je upis iz razloga što je na istoj adresi registrovano pored žalitelja, još pet lica (ukupno šest lica).

Žalitelj je protiv navedene odluke blagovremeno izjavio žalbu u kojoj navodi da je provjerio svoj status na web stranici i vidio da se njegova prijava vodi pod statusom „nedostaje validan dokument o identitetu“. Nadalje navodi da je sa ove mail adrese 01.09.2020. godine poslao važeći BH dokument i PRP obrazac, te smatra da je njegova prijava uredna što mu je bilo potvrđeno od službenika putem telefonske

provjere. Predlaže da se žalba usvoji, kako bi mogao ostvariti svoje građansko pravo da glasa.

Centralna izborna komisija Bosne i Hercegovine u odgovoru na žalbu navodi da adresa za dostavu glasačkog materijala za Perić Pavla, označena u Prijavi za glasanje izvan BiH PRP-1, ukazuje na mogućnost organizovanog djelovanja pojedinaca ili grupe na zloupotrebi biračkog prava, obzirom da je utvrđeno da je ista adresa izvan BiH za ukupno 6 lica, zbog čega predlaže da se žalba odbije kao neosnovana.

Ispitujući pobijanu odluku u okviru žalbenih navoda, vijeće Apelacionog odjeljenja Suda Bosne i Hercegovine je zaključilo da žalba nije osnovana.

Iz stanja spisa proizlazi da je Centralna izborna komisija BiH prije donošenja pobijane odluke utvrdila da je označena adresa za prijem glasačkog materijala kao i elektronska adresa na prijavi ista, kako za žalitelja tako i za još 5 lica, sa istom biračkom opcijom za sve prijave.

Stoga, suprotno navodima žalbe kojima se ističe da je prijava žalitelja odbijena iz razloga jer nedostaje validan dokaz o identitetu Centralna izborna komisija BiH je, na osnovu potpuno i pravilno utvrđenog činjeničnog stanja, izvela i pravilan zaključak, da bi se dostavom osjetljivog izbornog materijala na istu adresu Zvonimira Furtingera 1, 10000 Zagreb, R Hrvatska (kod Perić Joze), povrijedilo osnovno izborna načelo tajnosti glasanja i izbora direktno od strane birača, a koje garantuje odredba člana 1.3 Izbornog zakona BiH, te da izborna manipulacija može za posljedicu imati planirani izborni rezultat.

Napomene radi, žalitelj nije oduzeto biračko pravo za Lokalne izbore 2020. godine, nego samo mogućnost glasanja putem pošte izvan BiH, jer ista može glasati na redovnom biračkom mjestu u općini u kojoj ima prijavljeno prebivalište u BiH.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita, a žalba neosnovana, pa je istu, primjenom odredbe člana 81. stav 1. Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

**Predsjednik Vijeća
Sudija
Vesna Trifunović**